

### Teudischer Sprüchwörter. 13

erfarung. Doctor Staupitz Augustiner ordens Vicarius / sagte zur zeit ein mal in scherzweise / Wann sich der mensch schlaffen legte / so stöhen alle Engel eins jeglichen menschengen Himmel / vnd lieffen dem mensche rhuen / Diese Engel fraget Gott / Was thut dem mensch? vnd zum andern / Was thut deiner? Vnd so antwort ein Engel / Er trinckt gern. Ein ander aber / Er hat gelt lieb. Der dritte / Er steht nach grosser ehr. Der vierdt / der fünfft ein anders / der sechst auch ein anders. So spricht dann Gott zu einem jeglichen Engel / Gib es ihm genug. Daher kompt es dann / das ein jeglicher des genug vberkompt / weil er leset / dazu er am meisten lust hat.

12

### Glaub ist besser dann bar gelt.

Auff der Welt vnter den leuten vnd händlern geht es also zu / Wer glauben helt / vñ zalt zu bestimmter zeit / demselbigen wirt auff glauben widerumb verkaufft vnd geborget. In Teudische landen seind fast die grössten Emporia vnd Messen / Antwerp / Franckfurt vnd Leipzig / da verkaufft ein händler dem andern auff folgende Messe vnd Marckzalung zuthun / Wer da helt / dem helt man wider / vnd erlanget wider

Melius est  
nomen bo  
num quam  
diuitie  
multe.

B v